



Publicaziuns dalla vischnaunca, jamna 32

Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandont project:

Nr. 2015 – 2059.000

Martin Desax, Via Sogn Gions 1, 7180 Disentis/Mustér; sanaziun dil tetg dil baghetg sin parcella 847 a Raveras, 7180 Disentis/Mustér.

Encunter quellas decisziuns san ins protestar a scret enteifer 20 dis dapi la publicaziun alla supras-tonza communal.

Uffeci da baghegiar Disentis/Mustér

Lubientscha da baghegiar

L'istanza da baghegiar ha concediu suandonta lubientscha da baghegiar:

Nr. 2015 – 1024.000

Cuminonza da proprietaris en condomini Casa Camona, Via Plauncas 5, 7180 Disentis/Mustér; sanaziun ed izolaziun dil tetg casa, procedura posteriura, parcella 1243, Via Plauncas 5, 7180 Disentis/Mustér.

Nr. 2015 – 1025.000

Cuminonza da proprietaris en condomini Casa Cafeni, Via Cuo-z-Sut 3, 7180 Disentis/Mustér; sanaziun ed izolaziun dil tetg-casa, procedura posteriura, parcella 1224, Via Cuo-z-Sut 3, 7180 Disentis/Mustér.

Uffeci da baghegiar Disentis/Mustér

Serrada dalla via Pardomat

Igl uffeci cantunal da construcziun bassa dil Grischun continuescha la sanaziun dalla via da comunicaziun a Pardomat suenter las vacanzas da stad. Durond las lavurs da construcziun sto la via vegnir serrada per scadin traffic sil tschancun Punt Russein entochen Pardomat.

Naven digl gliendisdis, ils 17 d'uost entochen venderdis, ils 18 da settember 2015, mintgamai ils luverdis, dallas 7.00 entochen allas 18.00. Per pedunz e velocipedists ei il transit garantius da tut temps.

In'untgida ei pusseviva sin la via da comunicaziun Mustér–Cavardiras–Pardomat per vehichels entochen 11 t. Per damondas san ins seolver tier il responsabel digl uffeci da construcziun bassa dil cantun, Pius Cavegn, telefonin 079 334 74 14.

Nus engraziein per Vossa capientscha.

Disentis/Mustér, ils 22 da fenadur 2015

Uffeci da construcziun bassa dil Grischun, Pius Cavegn



Project activitads seniors en vischnaunca da Mustér

Dapi il «lurvatori pil futur per seniors» dil matg 2015 lavuran quater gruppas vid encurir ideas per purschidas adattadas.

La gruppa «engaschament voluntari» less eruir sch'ei dat en nossa vischnaunca spel survetsch da tschaveras dil spitex seniors/senioras cul giavisch per visetas reguladas, seigi per in discuors, per dar cartas ni per in auter survetsch.

Per ulteriur sclariment ni annunzias stattan a disposiziun:

Edith Bass, coordinatura da quella gruppa, Via Sontget 1, 7180 Disentis/Mustér;
edith.bass@hispeed.ch, tel. 081 947 48 32, ni

Cecilia Maissen-Desax, responsabla dalla vischnaunca, Via Cuoz-sut 5, 7180 Disentis/Mustér,
cecilia@maissen-desax.ch, tel. 081 947 50 30.

Pumpiers Sursassiala – Incorporaziun 2016

Persunas che giavischan da prestar survetsch activ da pumpiers san s'annunziar entochen ils 10 d'uost 2015 al Commando da pumpiers, Via Salez 11, 7186 Segnas (info@pumpiers.ch). Ulteriuras persunas tenor indicaziun dall'administraziun communal vegnan contactadas directamein a scret.

Pumpiers Sursassiala

Clom d'urgenza 118

Preziadas vischinas, preziai vischins

Onn per onn dat ei cass en nies cantun nua ch'ils pumpiers vegnan clamai memia tard sil plaz da seracass. Savens emprovan habitontas e habitonts da cuntonscher pumpiers ch'els enconuschan via telefon privat. Il temps che va aschia a piarder ha ils davos dus onns caschunau la veta a duas persunas el Grischun! Plinavon daventan ils donns cun mintga minuta spiarsa pli gronds. Perquei s'adressesin nus a Vus cun ina ferventa supplica: *clamei ils pumpiers mo sur il clom d'urgenza 118*. Era sche Vus veis mo in pign problem sa il polizist che pren encunter Vies telefon reagir aschia che mo ina pintga gruppa d'agid ni singulas persunas vegnan clamadas. Ulteriuras informaziuns era davart la prevenziun anfleis Vus sin nossa pagina d'internet:
www.pumpiers-sursassiala.ch.

Engraziel per Vies sustegn!
Vos pumpiers Sursassiala

Messa alpestra en l'alp Russein

Dumengia, ils 9 d'uost 2015 naven dallas 11.00 ustria sil plaz allas 12.00 survetsch divin. Per quei di drov'ei negina lubientscha per carrar en la val.

Cordialmein envidan
ils pursanavels dall'alp Russein-Cavrein



Fiasta da quartier

L'Uniun da giuventetgna Gonda–Dulezi–S. Gions (UGG) envida cordialmein tut ils convischins da Dulezi, Gonda e Sogn Gions ad ina fiasta da quartier: **venderdis, ils 7 d'uost 2015** naven dallas 18.00 sil parcadi dalla famiglia Huonder-Flury, via Dulezi 1 (da malaura en garascha).

Da vossa preschientscha selegra
UGG

Mats, la miur viseta Fontanivas

Historias per affons pigns

Gliendisdis, ils 10 d'uost e gliendisdis, ils 17 d'uost 2015 allas 15.00 sper il lag ed allas 16.00 en l'ustria raquintein nus historias pils affons pigns.
Nus selegrein sin Tia viseta.

Il team dalla biblioteca populara
Disentis/Mustér e contuorn

Uniun da giuventetgna Pardomat/Madernal/Disla/Cavardiras

Sera familiara 2015

Sonda, ils 15 d'uost 2015 menein nus atras la sera familiara. Tut ils habitonts e convischins ein envidai ella uustria Fravia a Disla. La fiasta entscheiva allas 19.00.

Cordialmein envida l'uniun da giuventetgna
Pardomat/Madernal/Disla/Cavardiras